

# Nunatta Qitornai

## Inatsisartuni



21.oktober 2020

UKA2020/82

**Sullualuup siunissami aqqusaalutarineqariartuaarnissaa sillimaffigalugu, sapinngisamillu annertu-nerpaamik periarfissaasinnaasunik atorluannaasaaq siunertaralugu nunatsinni international frihav-nimik sanaartortoqarlunilu pilersitsisoqassappat suut pitsaaqutaallutillu ajoqutaasinnaanersut Naalakkersuisut nassuiaasiornissaat pillugu Inatsisartut aalajangiiffissaattutsiunnersuut. Nas-suiaat UKA 2021-mut naammassineqassaaq.**

(Atassut Inatsisartutgruppe)

Atassutip inatsisartuutitai nassuiaammik sanaqqusipput.

Umiarsualivik akitsuuserfigineqanngitsumik pilersitsiniarnermi iluaqutissat ajoqutissallu pillugit qulaajaasussamik.

Siullermik aallarniutitalugu oqaatigeriissuarput siunnersuut tapersinnginnatsigu.

Sullualuup angallaffigineqarnerulernissaa aammalu siunissamut umiarsualiveqarnikkut eqqa-naarsarnissaaq, suleqatigiuminarsarnissat allatigullu angallannerulernissamut piareersarsimanissaaq tassuuna isumaqataavugut.

Ilisimatuut naapertorlugit maannamiit ukiut 20-it qaangiutsinnagit qalasarsuaq aasaanerani sikue-russimasalertussaavoq imaatigullu angallanneq annertoorujussuannngornissaanik siulittuineq piuvoq. Sullualuk kisiat angallaffiginagu kisiannili issittumi imartatigut angallanneq annerusoq piler-tussaalluni.

Umiarsualiveqarnikkut avataaneersunillu umiarsuarnik kiffartuussisinnaffipput annertusarniarlugu umiarsualiveqarnikkut Sikuki Harbour A/S pilersinneqarpoq. Nunarput nunarsuarmioqatigiinnut naleqqussaannarani imartatigut angallannikkut eqaallisaaneq aammalu siunissamut eqqanaarsar-neruvoq isumatusaartutut isigisarput.

Kineserit maanna umiarsuakkut nioqqutissanik angallassinermi Kitaanut Europallu tungaanut an-gallannerminni siunissami issittup imartaatigoortussanngornera siornaakkunnili formandiata sua-arutigaa, tamannalu Arctic Silkeroad nutaatut taavaa.

Qularutigineqassanngilaq siunissami umiarsuarsuit takornariartaatit aammalu umiarsuit assartuisut amerlanerujussuit imartatsinni susassaqalernerisigut taakku kiffartuunnerisigut umiarsualivigissaar-nikkullu suleqatikkuminartuunissarput piareersarnissarpullu pisariaqarpoq. Tulaffissatut, kiffartuus-

# Nunatta Qitornai

## Inatsisartuni



sivittut, niuerfittut, orserfittut, servicestop-itut allatigullu atorluarneqarnitsigut nunatta aningaasatigut isertitaqarluarnerujartornissaanut peqataajumavugut. Peqataajumavugut nunat sanilivut issittumiittut unammillertigisatsinnit pitsaanerujumalluta, siuarsimanerujumalluta aammalu pinngitsoorneqarsinnaangitsutut inissisimajumalluta.

Naalackersuisut itigartitsinissaminnut tunngavilersuutigisaa siulleg takuinnarlugu taassumaannaaluunniit takutippa Atassut-ikkut eqqarsaatersuutigisaa maannamut atuuttunut sanilliullugu pileritsinissamut tunngavissaqanngitsoq. Siullertut maannamut nioqqutissanik eqqussimasut annisseqqittullu umiarsuit marluinnaasimapput, tassalu takornariartaassuit. Kisitsisit taama appasitsigisut pisariaqartitsinermillu oqariartortoqanngitsoq suliarujussuaq aallartisarniassallugu maannamut pivisiusorsiortutut taasinnaangilarput.

Sineriammi umiarsualiveqarnikkut atugassarititaasut ajorluinnartut piffissani assigiinngitsuni takussaapput. Aalisarnikkut inuussutissarsiortuvut umiarsualiveqarnikkut atugassaqaartinneqarneri ajorluinnartut sulianiarnitsinni salliutinneqarniarlik.

Taamatut oqaaseqarluta siunnersut itigartipparput.